



Broj: 09-20-11-2-1990
Sarajevo, 18.10.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U

o izboru najpovoljnijeg ponuđača za javnu nabavku „Nabavka bespilotne letjelice - dron“

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka bespilotne letjelice - dron“, te se ugovor dodjeljuje ponuđaču „Patrio“ d.o.o Sarajevo, čija cijena ponude iznosi 8.300,00 KM bez PDV-a, odnosno 9.711,00 KM sa PDV-om.

II

Za izvršenje Odluke zadužuje se Sektor za materijalno- finansijske poslove.

III

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV

Ova Odluka stupa na snagu danom donošenja.

V

Odabrani ponuđač dužan je u roku od pet (5) dana, od dana zaprimanja Odluke, Ugovornom organu dostaviti dokumente iz člana 45. ZJN, u skladu sa tačkom 2. tenderske dokumentacije.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka bespilotne letjelice - dron“, broj Obavještenja o javnoj nabavci: 1412-7-1-184-3-96/22 od 16.08.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 8.550,00 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01.2022. godine.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno slijedeće:

- da je zaprimljeno 7 (sedam) ponuda, koje su ujedno i blagovremene, i to ponuđača: KM Trade" d.o.o Visoko, „Shot“ d.o.o Zenica, Sword Security“ d.o.o Sarajevo, „Patrio“ d.o.o Sarajevo „Nexis“ d.o.o Sarajevo, „Danial S“ d.o.o Tešanj i „Jani“ d.o.o Mostar,
- da nije bilo neblagovremeno zaprimljenih ponuda;
- da je Ugovorni organ odobrio angažovanje stručnog lica iz organizacione jedinice koja je predlagač javne nabavke i koje je izradilo/postavilo tehničke karakteristike uređaja koji se nabavlja, Komisija je istom omogućila uvid u tehnički dio prispjelih ponuda, te je Komisiji pojašnjena zahtjevana tehnička specifikacija kako bi Komisija mogla što objektivnije ocijeniti tehničke specifikacije ponuđenih uređaja
- da je Komisija konstatovala da su ponude ponuđača: KM Trade“ d.o.o Visoko, „Shot“ d.o.o Zenica, i „Patrio“ d.o.o Sarajevo, formalno-pravno ispravne, te da iste ispunjavaju sve tražene uslove iz tenderske dokumentacije,
- da je Komisija konstatovala da ponude ponuđača: „Nexis“ d.o.o Sarajevo, „Danial S“ d.o.o Tešanj, Sword Security“ d.o.o Sarajevo i „Jani“ d.o.o Mostar formalno-pravno nisu ispravne iz sljedećih razloga:
 - Ponuđač „Daniel S“ d.o.o. Tešanj, nije u svojoj ponudi dostavio Izjavu o dostavi garancije za uredno izvršenje ugovora, a koja je tražena tačkom 10. tenderske dokumentacije. Također, ponuđač „Daniel S“ d.o.o. Tešanj je u obrascu „Tehničke karakteristike“ na poziciji „Naziv proizvođača i proizvoda koji se nudi“ naveo „U skladu sa traženim“. Kako tenderskom dokumentacijom nije, niti može biti, naveden proizvođač i proizvod koji se nabavlja tako se i navod ponuđača „Danel S“ d.o.o. Tešanj ne može uzeti kao relevantan traženi podatak
 - Ponuđač „Jani“ d.o.o. Mostar, nije u svojoj ponudi dostavio Izjavu o dostavi garancije za uredno izvršenje ugovora, a koja je tražena tačkom 10. tenderske dokumentacije, te dokaz izdat od strane poslovne banke ili druge relevantne finansijske institucije da je transakcijski račun ponuđača aktivan u periodu zadnjih šest mjeseci, a koji je tražen tačkom 2.1. b) tenderske dokumentacije,
 - ponuđač „Nexis“ d.o.o Sarajevo je u obrazcu tehničkih karateristika naveo da nudi uređaj DJI Mavic 3, a kao dokaz o ispunjavanju traženih tehničkih karakteristika je priložio katalog/brošuru sa opisom tehničkih karakteristika. Uvidom u dostavljeni katalog/brošuru Komisija je ustanovila da postoje odstupanja u odnosu na tražene

tehničke karakteristike i to: unutrašnja memorija zahtjevano 1 TB dok ponuđeni uređaj ima memoriju 8 GB (u katalogu/brošuri stoji da uređaj DJI Mavic 3 Cine ima memoriju 1TB, ali je ponuđač u tabeli tehničkih karakteristika naveo da nudi uređaj DJI Mavic 3), za zahtjevani video format između ostalog tražen je Apple ProRes 422 HQ koji ponuđeni uređaj DJI mavic 3 ne posjeduje (u katalogu/brošuri stoji da uređaj DJI Mavic 3 Cine ima video format Apple ProRes 422 HQ, ali je ponuđač u tabeli tehničkih karakteristika naveo da nudi uređaj DJI Mavic 3), zahtjevana je verzija kontrolora sa pripadajućim ekranom i baterijom dok u dostavljenom katalogu/brošuri ne postoji podatak o kontroloru koji se isporučuje.

Kako je u obrazcima tehničkih specifikacija za traženu robu tenderske dokumentacije navedeno da ponuđač za ponuđene karakteristike opreme kao dokaz mora dostaviti katalog/brošure sa slikama i detaljnim opisom ponuđene robe iz kojih će se moći utvrditi da ponuđena roba u potpunosti ispunjava zahtjeve propisane tenderskom dokumentacijom, Komisija je ocijenila da ponuđena roba ne ispunjava sve tehničke karakteristike koje se traže tenderskom dokumentacijom i da za neke stavke nije moguće iz kataloga/brošura utvrditi da li ponuđeni uređaji ispunjavaju tehničke karakteristike propisane tenderskom dokumentacijom, te ponuda ponuđača „Nexis“ d.o.o Sarajevo nije ispunila tražene formalno pravne uslove definisane tenderskom dokumentacijom,

- ponuđač „Sword Security“ d.o.o Sarajevo je u obrazcu tehničkih karakteristika naveo da nudi uređaj DJI Mavic 3 Cine, a kao dokaz o ispunjavanju traženih tehničkih karakteristika je priložio katalog/brošuru sa korisničkim upustvom i opisom tehničkih karakteristika. Uvidom u dostavljeni katalog/brošuru Komisija je ustanovila da postoje odstupanja u odnosu na tražene tehničke karakteristike i to: zahtjevana je verzija kontrolora sa pripadajućim ekranom i baterijom dok je u dostavljenom katalogu/brošuri tehničkih karakteristika navedeno da je kontrolor uz uređaj DJI RC-N1, a u isporučenom korisničkom upustu je ustanovljeno da je navedeni kontrolor DJI RC-N1 kontrolor bez ekrana.

Kako je u obrazcima tehničkih specifikacija za traženu robu tenderske dokumentacije navedeno da ponuđač za ponuđene karakteristike opreme kao dokaz mora dostaviti katalog/brošure sa slikama i detaljnim opisom ponuđene robe iz kojih će se moći utvrditi da ponuđena roba u potpunosti ispunjava zahtjeve propisane tenderskom dokumentacijom, Komisija je ocijenila da ponuđena roba ne ispunjava sve tehničke karakteristike koje se traže tenderskom dokumentacijom, te ponuda ponuđača „Sword Security“ d.o.o Sarajevo nije ispunila tražene formalno pravne uslove definisane tenderskom dokumentacijom,

- da je Komisija u svrhu provođenja postupka e-Aukcije, dana 12.10.2022. godine, dostavila Sektoru za materijalno- finansijske poslove listu prihvatljivih ponuda,
- da je Komisija zaprimila akt sa Izvještajem o toku i završetku e-Aukcije broj: 1412-7-1-184/22 od 17.10.2022. godine, u kojem je navedeno da je napovoljniji ponuđač u predmetnom postupku javne nabavke ponuđač „Patrio“ d.o.o Sarajevo, čija cijena ponude iznosi 8.300,00 KM bez PDV-a, odnosno 9.711,00 KM sa PDV-om, nakon čega je Komisija, u skladu sa

kriterijumom za dodjelu ugovora u konkretnom postupku nabavke - najniža cijena, dala preporuku o izboru najpovoljnijeg ponuđača.

Iz navedenih razloga odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

ZAMJENIK DIREKTORA
Generalni inspektor policije
Ensad Korman



Dostaviti:

- Sektor za mat. fin. poslove
- ponuđačima
- u spis